



Broj: 01/14-02-1601/24-1
Sarajevo, 24. 7. 2024. g.

Primljeno: 24-07-2024			
Org. jed.	Broj	Priloga	Vrijednost

ZASTUPNIČKI DOM PARLAMENTA FEDERACIJE BiH

Dana 24. 7. 2024. godine održana je 22. sjednica Odbora za ekonomsku i finansijsku politiku Zastupničkog doma Parlamenta Federacije BiH (u daljnjem tekstu: Odbor). Sjednici Odbora nazočilo je **sedam članova**, tako da su ispunjeni uvjeti za punovažan rad u pogledu kvoruma i odlučivanja.

Na sjednici je predložen i jednoglasno usvojen sljedeći:

DNEVNI RED

- Prijedlog programa rada Zastupničkog doma Parlamenta Federacije BiH za 2024. godinu,
- Prijedlog odluke o prihvaćanju zaduženja po Ugovoru o financiranju između Bosne i Hercegovine i Europske investicijske banke za realizaciju Projekta Vjetroelektrana Vlašić,
- Prijedlog odluke o prihvaćanju zaduženja po Ugovoru o zajmu između Bosne i Hercegovine i Europske banke za obnovu i razvoj za realizaciju Projekta Koridor Vc Mostar Sjever – Mostar Jug,
- a) Kvartalno izvješće o dugu Q2/2023,
b) Kvartalno izvješće o dugu Q3/2023,
c) Kvartalno izvješće o dugu Q4/2023,
- Godišnji plan zaduživanja za 2024. godinu,
- Zahtjev predstavnika Udruge građana "Tuzlanski akademski klub" Tuzla, broj: 01/14-02-1524/24, od 1. 7. 2024. godine,
- Inicijativa za izmjenu i dopunu Zakona o porezu na dohodak Federacije Bosne i Hercegovine, koju su pokrenuli Aner Žuljević i Lana Prlić, zastupnici u Zastupničkom domu Parlamenta Federacije Bosne i Hercegovine,
- Zahtjev, potpisan od skupine zastupnika Zastupničkog doma Parlamenta FBiH, za sazivanje tematske sjednice o temi: "Izazovi i potencijali tržišta vrijednosnim papirima u Federaciji BiH".

Na temelju članka 44. a u vezi s člankom 69. Poslovnika Zastupničkog doma Parlamenta Federacije BiH, Odbor podnosi sljedeće:



IZVJEŠĆE

Ad-1

Prijedlog programa rada Zastupničkog doma Parlamenta Federacije BiH za 2024. godinu

Uvodno izlaganje dao je ovlašteni predlagatelj u ime Zastupničkog doma Parlamenta Federacije BiH, nakon čega je Odbor obavio raspravu i jednoglasno donio sljedeći:

ZAKLJUČAK

Odbor za ekonomsku i finansijsku politiku podržava Prijedlog programa rada Zastupničkog doma Parlamenta Federacije BiH i predlaže da ide u daljnju parlamentarnu proceduru.

Ad-2

Prijedlog odluke o prihvaćanju zaduženja po Ugovoru o financiranju između Bosne i Hercegovine i Europske investicijske banke za realizaciju Projekta Vjetroelektrana Vlašić

Nakon što je predstavnik Federalnog ministarstva financija upoznao Odbor s dostavljenim Prijedlogom odluke, Odbor je pristupio glasovanju i jednoglasno donio sljedeći:

ZAKLJUČAK

Odbor za ekonomsku i finansijsku politiku podržava Prijedlog odluke o prihvaćanju zaduženja po Ugovoru o financiranju između Bosne i Hercegovine i Europske investicijske banke za realizaciju Projekta Vjetroelektrana Vlašić i predlaže da ide u daljnju parlamentarnu proceduru.

Ad-3

Prijedlog Odluke o prihvaćanju zaduženja po Ugovoru o zajmu između Bosne i Hercegovine i Europske banke za obnovu i razvoj za realizaciju Projekta Koridor Vc Mostar Sjever – Mostar Jug



Predstavници Federalnog ministarstva prometa i komunikacija i JP Autoceste Federacije BiH upoznali su Odbor s dostavljenim Prijedlogom odluke, nakon čega je Odbor obavio raspravu i jedoglasno donio sljedeći:

ZAKLJUČAK

Odbor za ekonomsku i finansijsku politiku podržava Prijedlog odluke o prihvaćanju zaduženja po Ugovoru o zajmu između Bosne i Hercegovine i Europske banke za obnovu i razvoj za realizaciju Projekta Koridor Vc Mostar Sjever – Mostar Jug i predlaže da ide u daljnju parlamentarnu proceduru.

Ad-4

- a) **Kvartalno izvješće o dugu Q2/2023**
- b) **Kvartalno izvješće o dugu Q3/2023**
- c) **Kvartalno izvješće o dugu Q4/2023**

Nakon uvodnog izlaganja predstavnika Federalnog ministarstva financija, Odbor je obavio raspravu i jednoglasno donio sljedeći:

ZAKLJUČAK

Odbor za ekonomsku i finansijsku politiku prihvaća dostavljena kvartalna izvješća o dugu: Q2/2023, Q3/2023 i Q4/2023 i predlaže da idu u daljnju parlamentarnu proceduru.

Ad-5

Godišnji plan zaduživanja za 2024. godinu

Predstavnik Federalnog ministarstva financija upoznao je Odbor s Godišnjim planom zaduživanja za 2024. godinu. Odbor je obavio raspravu i jednoglasno donio sljedeći:

ZAKLJUČAK

Odbor za ekonomsku i finansijsku politiku je razmotrio Godišnji plan zaduživanja za 2024. godinu i predlaže da ide u daljnju parlamentarnu proceduru.



Ad-6

Zahtjev predstavnika Udruge građana "Tuzlanski akademski klub" Tuzla, broj: 01/14-02-1524/24, od 1. 7. 2024. godine

Ovu točku dnevnog reda zajedno su razmotrili Odbor za ekonomsku i finansijsku politiku i Odbor za promet i komunikacije.

Uvodno izlaganje dali su predstavnici podnositelja Inicijative "Tuzlanski akademski klub" Tuzla, Kantonalna gospodarska komora Tuzla i Udruga poslodavaca FBiH - Grupacija poslodavaca Tuzlanskog kantona te su vrlo detaljno upoznali prisutne članove Odbora sa zaključcima javne tribine o temi „Cestovna izolacija Tuzle i Tuzlanskog kantona, dokle ćemo biti crna rupa?“, održane 30. 5. 2024. godine u organizaciji "Tuzlanskog akademskog kluba", kao i zaključcima „Konferencije o stanju i perspektivama ekonomskog infrastrukturnog razvoja Tuzlanskog kantona“, koja je održana 10. i 11. lipnja 2023. godine u organizaciji Kantonalne gospodarske komore Tuzla i Udruge poslodavaca FBiH - Grupacija poslodavaca Tuzlanskog kantona. U raspravi koja je uslijedila sudjelovali su prisutni članovi oba odbora.

Nakon uvodnog izlaganja i obavljen je rasprava, Odbor za ekonomsku i finansijsku politiku pristupio je glasovanju i jednoglasno donio sljedeće **zaključke**:

1. Odbor za ekonomsku i finansijsku politiku podržava Inicijativu predstavnika Udruge građana "Tuzlanski akademski klub" Tuzla, broj: 01/14-02-1524/24, od dana 1. 7. 2024. godine.
2. Odbor za ekonomsku i finansijsku politiku traži od Vlade Federacije BiH potpunu informaciju o stanju cestovne infrastrukture u Federaciji BiH s posebnim fokusom na Tuzlanski kanton.
3. Odbor za ekonomsku i finansijsku politiku traži od predsjedatelja Zastupničkog doma Parlamenta Federacije BiH gosp. Dragana Miokovića da kao točku dnevnog reda na redovitoj sjednici Zastupničkog doma uvrsti i točku u vezi s cestovnom infrastrukturom i prometnom deblokadom Tuzlanskog kantona, najkasnije do kraja listopada tekuće godine.
4. Odbor za ekonomsku i finansijsku politiku traži od Vlade Federacije BiH da dostavi informaciju o utrošku finansijskih sredstava i planiranog utroška finansijskih sredstava za cestu Tuzla – Sarajevo.
5. Odbor za ekonomsku i finansijsku politiku poziva Vladu Federacije BiH, Vladu Tuzlanskog kantona, mjerodavna ministarstva, JP Autoceste Federacije BiH, općine



i gradove da ubrzaju i pripreme prostorno-plansku dokumentaciju za unaprjeđenje prometne infrastrukture na području Tuzlanskog kantona.

Ad – 7

Inicijativa za izmjenu i dopunu Zakona o porezu na dohodak Federacije Bosne i Hercegovine, koju su pokrenuli Aner Žuljević i Lana Prlić, zastupnici u Zastupničkom domu Parlamenta Federacije Bosne i Hercegovine

Uvodno izlagaje dali su podnosioci Inicijative za izmjenu i dopunu Zakona o porezu na dohodak Federacije Bosne i Hercegovine Aner Žuljević i Lana Prlić, zastupnici u Zastupničkom domu Parlamenta Federacije Bosne i Hercegovine, nakon čega je Odbor obavio raspravu i jednoglasno donio sljedeći:

ZAKLJUČAK

Odbor podržava Inicijativu za izmjenu i dopunu Zakona o porezu na dohodak Federacije Bosne i Hercegovine, koju su pokrenuli Aner Žuljević i Lana Prlić, zastupnici u Zastupničkom domu Parlamenta Federacije Bosne i Hercegovine, te predlaže Vladi Federacije BiH da u parlamentarnu proceduru dostavi traženu izmjenu i dopunu Zakona o porezu na dohodak Federacije BiH.

Ad-8

Zahtjev, potpisan od skupine zastupnika Zastupničkog doma Parlamenta FBiH, za sazivanje tematske sjednice o temi: "Izazovi i potencijali tržišta vrijednosnim papirima u Federaciji BiH"

Predsjednik Odbora gosp. Admir Čavalić je upoznao prisutne članove Odbora sa Zahtjevom za sazivanje tematske sjednice o temi: "Izazovi i potencijali tržišta vrijednosnim papirima u Federaciji BiH", potpisan od skupine zastupnika Zastupničkog doma Parlamenta FBiH, a koji je predsjedatelj Zastupničkog doma dostavio na Odbor dana 27. 6. 2024. godine. Također, predsjednik Odbora je podsjetio članove Odbora da je jedan od usvojenih zaključaka na 6. sjednici Odbora, održanoj 20.07.2023. godine bilo i traženje i organiziranje tematske sjednice o ovoj temi.

Nako uvodnog izlaganja, Odbor je obavio raspravu tijekom koje su pojedini članovi Odbora iznijeli svoja mišljenja, prijedloge i sugestije, te na kraju Odbor je jednoglasno donio sljedeći:



ZAKLJUČAK

Odbor za ekonomsku i finansijsku politiku Zastupničkog doma u potpunosti podržava Zahtev za organiziranje Tematske sjednice o temi: "Izazovi i potencijali tržišta vrijednosnim papirima u Federaciji BiH" i traži od zaduženih relevantnih institucija, odnosno od Federalnog ministarstva financija, Odbora za ekonomsku i razvojnu politiku, financije i proračun Doma naroda da se u što kraćem roku pristupi pripremi materijala za ovu sjednicu u suradnji s ovim Odborom koji je zadužen da bude nositelj procesa pripreme tematske sjednice.

Za izvjestitelja Odbora na sjednici Zastupničkog doma Parlamenta Federacije BiH, koji će razmatrati ove materijale, određen je Admir Čavalić, predsjednik Odbora za ekonomsku i finansijsku politiku.

PREDSJEDNIK ODBORA


Admir Čavalić